



Universitätsbibliothek Paderborn

**Tractatvs De Necessitate Et Modo Ministrandi
Sacramenta Tempore pestis**

Chapeauville, Jean

Mogvntiæ, 1612

13. An etiam illis, qui recenter peste[m] conceperunt?

urn:nbn:de:hbz:466:1-41077

Præterea oleum, quo hoc sacramentum perficitur, vocatur *oleum infirmorum*, ut constat ex pontificali Romano, non sunt ergo sani illo inungendi. Idem docent sacri (a) Canones, cum dicunt: *infirmum ita susceptuum esse huius sacramenti, sicuti presbyterum illius esse ministrum*: at hoc posterius ponunt ut necessarium ad substantiam sacramenti: ergo & prius. Tandem idem constat ex fine huius sacramenti; primarius enim est alleuiatio & confortatio infirmi: secundarius, restitutio sanitatis, uterque autem præsupponit hominem actu infirmari,

Dices: Quid si seruitores dolorem capit, vomitum, & huiusmodi symptomata patiantur, quæ pestem vel præsentem, vel vicinam præfigire solent?

R. Consulendi sunt medici; Si dubitant, fiet, ut superiore quæstione diximus.

Q V A E S T I O X I I I .

An etiam illis, qui recenter pestem conceperunt?

Quæstionis explicatio.

HOC sacramentum vocatur communiter *sacramentum exeuntium*, ut bene Dd 3 notauit

a sef. 14. c. 3. notauit Concil. (a) Trident. quare non debet conferri nisi illis, qui ita periculoſe decumbunt, ut in exitu vitæ constituti videantur, quod etiam omnes Dd. vnanimiter docent. Huius occasione quæritur, an illis conferri possit, qui cum optima valetudine fruerentur, subito pestem conceperunt, et iam antequam pestis inualuerit, aut villa signa exitus ex hac vita appareant?

Responsio.

*b Maior. in
4. dist. 23.*

*c de febre pe-
stentiali,
& alij.*

Q Vando constat ægrum laborare peste, (b) non tenetur pastor expectare gradum aliquem ægritudinis illius, sed potest, imo debet statim à principio talis ægritudinis sacramentum hoc ministrare: Quia secundum communem medicorum sententiam, & experientiam, morbus est nō solum per se lethalis, *sed qui*, (ut eleganter expressit Alexander, (c) Benedictus medicus) ita subito, ut plurimum mortales hinc euocat, ut sine febre inter domesticas, ac forenses, actiones, vel publica negotia, decem horarum spatio sine vrinæ, pulsusve venarum certo signo, in templo, in via, in publicis officiis, ex insperato, eripiat, ita ut homo interdum latus, incundus, levit temporis momento statim cadat.

Dices: Ut sacramentum hoc alicui ægro ministretur, non tantum requiritur secundum

dum Doctorum sententiam, ut morbus per se grauis sit, & lethalis, sed etiam ut status morbi talis sit, qui infirmum in graui periculo mortis constituat, & ita usus ecclesiae confirmat: ergo debet expectari aliquis status morbi, qui doceat infirmum existere in tali periculo.

R. Expectare illum statum non esse ita essentiale, vt si ille non expectetur, nullum futurum sit sacramentum, sed sufficit secundum communem, ut morbus iudicio Medicorum per se lethalis sit, & periculosus. Vnde plerique notant, & merito, peccari hac in parte à nonnullis, qui diffrent ministrare hoc sacramentum, donec infirmus sensu & cognitione careat, manifeste enim faciunt tum contra reuerentiam sacramento debitam, tum contra proximi salutem.

Q V A E S T I O X I V .

*An etiam illis, qui existimantur
mortui?*

Quæstionis explicatio.

P Este infecti, ut ante dixi, morbi violencia agitati, frequenter reperiunt in angu-

Dd 4 lis do-